



Senin, 29 Juli 2024
Ogen: Kuan-kuanen 21:5



Megermet Maba Keuntungen



Reh majuna jaman reh buena perkembangan si banci si idah ras si nanami. La saja pangan kepe si instan, tapi perukuren pe banci jadi enggo megendek, muat keputusan pe terudu, e maka banci ulihna pe labo bagi si iarapkan. Perlu kal megermet ras metenget kita i bas kegeluhen enda. La saja rukur tapi pe mediate nandangi kerina kecibal kegeluhen kususna paksa genduari enda beluh min kita ngidah perkembang, pasang surut perekonomin. Alu bage bagi pengalamen Jusup i Mesir, lit paksa peranin si mehuli lit ka paksa kelegon ras la lit ulih perjuman. Adi la beluh ngelola ras ngaturken si lit banci me ketunduken kita i bas kerinana.

Renungenta mpersingeti kita gelah ngasup erbahan rencana, la saja sura-sura ntah pe program tapi perencanaan perduiten pe perlu si kembangkan. Si eteh asakai ulih pencarinta, asakai belanjanta, asakai ku Dibata ras asakai ka ku peradaten. Asa kai ka buena banci sipakeken ras sitabungken. Perencanaan si bagenda rupa nampati kita guna ngaturken perduiten alu mehuli sabap si eteh paksa-paksa mbelin pengeluaran erkiteken anak sekolah ntah pe dahin dahin gereja ras sangkep geluh. Sabab la dat je saja ntah pe merudu-rudu sierbahan ketunduken kita i bas kai pe.

Guna si enda perlu kal sipebelin biak megermet nandangi situasi ras kecibal kegeluhenta rikutken paksa-paksana. Sabap ulihna banci keuntungan banci kerugin. Adi siukuri sada pe labo kita merincuh rugi e maka mari erlajar megermet, dengen mediate nandangi sekelewet rikutken perkembangan perekonomin si lit. Arus kita ndarami kesempatan ras peluang gelah banci tambah keuntungenta. Sabap keuntungan la saja arah ngasup ngerancang perduiten tapi pe ngasup ngerancang cara ndatken ulihna. Alu bage reh sikapna kegeluhenta sendalanan ras tambahna kepentarenta.

➤ *Mediatelah kita kerna perdalanan ras pemaken ulih dahinta*